

LA MARCHO DI REI

De matin
Ai rescountra lou trin,
De très grand rèi qu'anavon en vouiage;
De matin
Ai rescontra lou trin,
De très grand rèi dessus lou grand camin.
Ai vis d'abord
De gardo cors
De gènt arma, em'uno troupo de page
Ai vis d'abord
De gardo cors
Tôuti daura dessus si justaucors.

Li drapèu,
Qu'èron segur fort bèu
1 ventoulet servien de badinage
Li camèu
Qu'èron ségur fort bèu
Pourtavon de bijoux tôuti nouvèu ;
E li tambour
Pèr faire ounour,
De tèms en tèms fasien brusi soun tapage ;
E li tambour
Pèr faire ounour
Batien la marchò chascun à soun tour.

Dins un char
Daura de touto part,
Vesias li Rèi moudèste coume d'ange ;
Dins un char
Daura de touto part,
Vesias briha de richis estandard ;
Ausias d'auboues,
De bèli voues
Que de Moun Dieu publicavon li louange ;
Ausias d'auboues,
De bèli voues,
Que disien d'èr d'un amirable choues.

Esbahi
D'entendre acò d'aqui,
Me siéu renja pèr veire l'équipage ;
Esbahi
D'entendre acò d'aqui
De liuen en liuen lis ai toujours segui ;
L'astre brihant
Qu'èro davan.
Servie de guide, en menant li très Rèi Mage ;
L'astre brihant
Qu'èro davan.
S'arrête net quand fugue à l'Enfant.